

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), na prijedlog federalnog ministra zdravstva, Vlada Federacije Bosne i Hercegovine na 213. sjednici održanoj 12.03.2020. godine, d o n o s i

**ZAKLJUČKE**  
**O USVAJANJU INFORMACIJE O KRIZNOM PLANU PRIPRAVNOSTI**  
**I ODGOVORA NA POJAVU NOVOG KORONAVIRUSA (COVID-19)**  
**FEDERACIJE BOSNE I HERCEGOVINE**

1. Usvaja se Informacija o Kriznom planu pripravnosti i odgovora na pojavu novog koronavirusa (COVID-19) Federacije Bosne i Hercegovine.
2. Prihvata se Krizni plan pripravnosti i odgovora na pojavu novog koronavirusa (COVID-19) Federacije Bosne i Hercegovine.
3. Za provođenje Kriznog plana iz tačke 2. ovih zaključaka zadužuju se Federalno ministarstvo zdravstva i Zavod za javno zdravstvo Federacije Bosne i Hercegovine, svako u okviru svojih nadležnosti, koji se realizira u saradnji s nadležnim tijelima vlasti za oblast zdravstva u kantonima, kao i zdravstvenim ustanovama na teritoriji Federacije Bosne i Hercegovine.
4. Za provođenje Kriznog plana iz tačke 2. ovih zaključaka zadužuju se i druga federalna ministarstva i tijela federalne uprave, ukoliko se ocijeni da je provođenje određenih mjera iz Kriznog plana i u nadležnosti drugog federalnog ministarstva i tijela federalne uprave.
5. Zadužuju se Federalno ministarstvo zdravstva i Zavod za javno zdravstvo Federacije Bosne i Hercegovine, svako u okviru svojih nadležnosti, da spram promijenjene epidemiološke situacije u vezi pojave novog koronavirusa (COVID-19) u Federaciji BiH, revidiraju Krizni plan pripravnosti i odgovora na pojavu novog koronavirusa (COVID-19) Federacije Bosne i Hercegovine i o istom izvijeste Vladu Federacije BiH.
6. Zadužuju se Federalni štab civilne zaštite, Federalno ministarstvo zdravstva i Zavod za javno zdravstvo Federacije BiH da, u saradnji sa predstavnicima Ministarstva odbrane/obrane BiH, obave uviđaj na potencijalnoj lokaciji u bivšoj kasarni „Bradina“ za potrebe karantina.
7. Vlada Federacije BiH preporučuje javnim servisima i teleoperaterima da se stave u funkciju Kriznom štabu Federalnog ministarstva zdravstva u cilju prevencije širenja novog koronavirusa (COVID-19), i to u prenošenju, odnosno slanju poruka dostavljenih od Kriznog štaba Federalnog ministarstva zdravstva, bez naknade.
8. Ovi zaključci stupaju na snagu danom donošenja.

V. broj: 374 /2020  
12.03.2020. godine  
Sarajevo



**PREMIJER**  
*Fadil Novalić*  
**Fadil Novalić**